

სარევიზიო კომისიის ანგარიში ბაფის საქმიანობის შესახებ

ბაფ-ს სარევიზიო კომისიის მიერ (მარეხ ტოგონიძე, ხათუნა ბარბაქაძე, გიორგი ნიქაბაძე) შემოწმებული იქნა საქართველოს პროფესიონალ ბუღალტერთა და აუდიტორთა ფედერაციის საქმიანობა 2018 წლის 19 მაისიდან 2018 წლის 26 მაისამდე პერიოდში. შემოწმების ობიექტს წარმოადგენდა ბაფ-ის გამგეობისა და კომიტეტების მიერ საანგარიშო პერიოდში გაწეული საქმიანობა, კერძოდ საერთო კრებისა და გამგეობის გადაწყვეტილებების ბაფის წესდებასთან შესაბამისობა და მათი შესრულების მდგომარეობა, შემოსავლებისა და ხარჯების სამართლიანობა, მათი შესაბამისობის ხარისხი დაგეგმილ ბიუჯეტთან. შემოწმებამ საშუალება მოგვცა გაგვეკეთებინა საქმიანობის ანალიზი და მოგვეხდინა მისი შეფასება. გაგაცნობთ ჩატარებული რევიზიის შედეგების მოკლე მიმოხილვას:

1. წესდების და ნორმატიული დოკუმენტების მოთხოვნების დაცვა

ბაფი წესდების შესაბამისად საქმიანობას ახორციელებს გამგეობის, აღმასრულებელი დირექტორისა და კომიტეტების მიერ შემუშავებული და დამტკიცებული შიდა პოლიტიკის, სისტემებისა და მენეჯერული პროცედურების საფუძველზე. ბუღალტერთა საერთაშორისო ფედერაციის მიერ დაკისრებული ვალდებულებების ფარგლებში ბაფი აგრეთვე ახორციელებს სტრატეგიული გეგმების შემუშავებას, რომლებიც უზრუნველყოფს:

- პროფესიული სერთიფიცირებისა და უწყვეტი განგრძობითი განათლების მიმართ მოთხოვნების დაკმაყოფილებას;
- პროფესიული ორგანიზაციების წევრების მიერ პროფესიონალი ბუღალტრების ეთიკის კოდექსისა და ხარისხის კონტროლის სისტემის მიმართ მოთხოვნების შესრულებას;
- სამეურნეო-საფინანსო საქმიანობის ეფექტურ მართვას;

წევრებისადმი ბუღალტერთა საერთაშორისო ფედერაციის მოთხოვნების შესაბამისად, ბაფი 2 წელიწადში ერთხელ ადგენს სამოქმედო (ორწლიან) გეგმას, რომელიც მოიცავს ბაფის საქმიანობის ყველა მიმართულებას. სამოქმედო გეგმის შესრულებაზე ზედამხედველობას და პერიოდულ შეფასებას ახორციელებს ბუღალტერთა საერთაშორისო ფედერაცია. “ბუღალტრული აღრიცხვის ანგარიშგებისა და აუდიტის შესახებ” საქართველოს კანონით (2016 წლის ივნისი) შემოღებულმა ახალმა რეგულაციებმა ბაფის სამოქმედო გეგმაში მნიშვნელოვანი კორექტირების შეტანა გამოიწვია. კერძოდ, პროფესიის რეგულირების სფერო (აუდიტორთა რეესტრის წარმოება, მომსახურების ხარისხის კონტროლი, პროფესიაზე ზედამხედველობა და სხვა), რომელიც ბაფის პრეროგატივა იყო, სრულად გადაეცა ბუღალტრული აღრიცხვის, ანგარიშგებისა და აუდიტის ზედამხედველობის სამსახურს. 2017 წელს ზედამხედველობის სამსახურთან თანამშრომლობის ძირითადი მიმართულებები იყო: პროფესიული სერტიფიცირების, განგრძობითი განათლების სტანდარტებისა და პროგრამების პროექტირება; ფინანსური ანგარიშგებისა და აუდიტის საერთაშორისო სტანდარტების თარგმნა; მცირე და საშუალო ზომის საწარმოთა საერთაშორისო სტანდარტებით ბუღალტერთა გადამზადების

(სახელმძღვანელოს მომზადება, ტრენინგები) პროექტი და სხვა. სამსახურთან ერთობრივი მუშაობით მიღებული ნორმატიული აქტები რეგულირების სფეროში მნიშვნელოვნად შეუწყობს ხელს ქვეყანაში პროფესიის განვითარებას, გაზრდის საწარმოთა ფინანსური ანგარიშგებისა და აუდიტის ხარისხსა და საანდოობას.

საანგარიშო პერიოდში, საოქმო ჩანაწერების მიხედვით, ჩატარებულია გამგეობის 7 სხდომა (წესდებით ითვალისწინებს მინიმუმ 4 სხდომის ჩატარებას წელიწადში). არსებული მასალების შესწავლის საფუძველზე ირკვევა რომ სხდომებზე მიღებული დადგენილებების ძირითადი ნაწილი შესრულებულია. სარევიზიო კომისიის მიერ გამგეობის მუშაობა დადებითად შეფასდა. რეკომენდაციის სახით განმეორებით აღნიშნა, რომ ოქმებში სასურველია ნაჩვენები იქნეს წინა სხდომის დადგენილების მიხედვით გაწერილი საქმიანობები მისი შესრულების გონივრული ვადებით. ხოლო მომდევნო სხდომაზე დღის წესრიგში განხილული იქნეს აღნიშნული საქმიანობის შესრულების სტატუსი.

ბაფ-ში საქმიანობის უკეთ გამხორციელების მიზნით, შექმნილია კომიტეტები:

- განათლების კომიტეტი
- სტანდარტებისა და პრაქტიკის კომიტეტი
- საწევრო კომიტეტი
- აუდიტის ხარისხის კომიტეტი
- საგადასახადო დაბეგვრის კომიტეტი
- ეთიკისა და დისციპლინარული კომიტეტი

მათი საქმიანობის ზოგად პრინციპებს განსაზღვრავს „კომიტეტების საქმიანობის შესახებ“ დებულება, ხოლო ცალკეული კომიტეტისათვის გამგეობის მიერ დამტკიცებულია დებულებები, რომლებშიც გაწერილია მათი საქმიანობის ძირითადი მიმართულებები და უფლება-მოვალეობები.

საწევრო კომიტეტის შემოწმების პერიოდში შესწავლილი იქნა მოქმედი დებულებების მოთხოვნების ფაქტიური განხორციელების მდგომარეობა, კერძოდ: წევრებთან ურთიერთობის მარეგულირებელი დოკუმენტები (წესდება, საწევრო კომიტეტის დებულება, ბაფის წევრად მიღების, წევრობის შეჩერებისა და შეწყვეტის წესები); სარევიზიო კომისიამ შეისწავლა კომიტეტის მარეგულირებელი დოკუმენტები, შესამოწმებელ პერიოდში კომიტეტის მიერ განხორციელებული საქმიანობა და საოქმო ჩანაწერები, რის საფუძველზეც კომიტეტის საქმიანობა დადებითად შეფასდა.

განათლების კომიტეტი: სარევიზიო კომისიამ შეისწავლა მარეგულირებელი დოკუმენტები: პროფესიული განათლებისა და ატესტაციის კომიტეტის დებულება, ბუღალტერთა პროფესიული სერტიფიცირების სტანდარტი, ნამდვილ წევრთა სავალდებულო განათლების სტანდარტების მოთხოვნები. შეისწავლა განხორციელებული საქმიანობების შესახებ საოქმო ჩანაწერები.

ბაფის სარევიზიო კომისიის ანგარიში 2018 წელი

განათლებისა და სერტიფიცირების კომიტეტის საქმიანობის ძირითადი მიმართულებები შესაბამისობაშია დადგენილი მარეგულირებელ დოკუმენტებთან, იგი მოიცავს შემდეგ მიმართულებებს: გადამზადება, პროფესიული სერტიფიცირება და უწყვეტი განგრძობითი განათლების ხელშეწყობა, რომელიც ბაფის საქმიანობის ერთ-ერთ ძირითადი საქმიანობას წარმოადგენს, ამ მიზნით იგი უზრუნველყოფს მაღალკვალიფიციური პროფესიონალების მომზადებას, რომლებიც აკმაყოფილებენ პროფესიონალისთვის დამახასიათებელ საერთაშორისო კრიტერიუმებსა და ეთიკის ნორმებს. საანგარიშო პერიოდში ბუღალტრული აღრიცხვის, ანგარიშგებისა და აუდიტის ზედამხედველობის სამსახურის მიერ დადგენილი პროფესიული სერტიფიცირებისა და განგრძობითი განათლების სტანდარტების შესაბამისად, კომიტეტის მიერ მომზადდა და სამსახურის მიერ აღიარებული იქნა: 1. სერტიფიცირებული ბუღალტრის სასერტიფიკაციო პროგრამა; 2. 2017 წლის განგრძობითი პროგრამა.

დამტკიცებული პროგრამებისა და პროცედურების ფარგლებში საანგარიშო პერიოდის განმავლობაში: პროფესიული სერტიფიცირების პროცესში 8469 პრეტენდენტმა მიიღო მონაწილეობა, ხოლო განგრძობითი სწავლების პროცესში 393 პრეტენდენტმა. მიიღო მონაწილეობა

სარევიზიო კომისიის მიერ კომიტეტის საქმიანობა დადებითად შეფასდა.

აუდიტის ხარისხის კომიტეტი საანგარიშო პერიოდში განახლდა და შესაბამისობაში მოვიდა კომიტეტის დებულება მის ფუნქციებთან; შემუშავდა და დამტკიცდა ხარისხის კონტროლის სისტემის წინასწარი მონიტორინგის- « ხარისხის კონტროლის დიაგნოსტიკური ანგარიშის მომზადების წესი » დებულების მიხედვით კომიტეტის ძირითად ფუნქციას შეადგენს წევრ კომპანიაში ხარისხის კონტროლის სისტემის წინასწარი მონიტორინგი (დიაგნოსტიკის ანგარიში) და კორპორაციულ წევრებისთვის ხარისხის კონტროლის სისტემის სრულყოფასთან დაკავშირებულ საკითხებში მხარდაჭერა, კონსულტაციები, სემინარები, აუდიტის პროგრამის შერჩევა, აუდიტის მეთოდოლოგია და სხვა. აფი ხარისხის კსიტემის წინასწარ მონიტორინგს განახორციელებს მხოლოდ იმ წევრ კომპანიებში, რომლებიც ამის სურვილეს გამოხატავენ.

სარევიზიო კომისიის მიერ, კომიტეტის საქმიანობა შეფასდა დადებითად/

სტანდარტებისა და პრაქტიკის კომიტეტის დებულება გაწერილია, მისი საქმიანობის ძირითად მიმართულებებს წარმოადგენს ბუღალტრული აღრიცხვისა და აუდიტის საერთაშორისო სტანდარტებისა და მათი გამოყენების სახელმძღვანელო ლიტერატურის თარგმნა.

საანგარიშგებო წელს კომიტეტის წევრები ინტენსიურად თანამშრომლობენ ფინანსთა სამინისტროს ბუღალტრული აღრიცხვის, ფინანსური ანგარიშგებისა და აუდიტის ზედამხედველობის სამსახურთან. აღნიშნული სამსახურის თხოვნით

ბაფის სარევიზიო კომისიის ანგარიში 2018 წელი

კომიტეტის წევრები აქტიურად მონაწილეობდნენ ბუღალტრული აღრიცხვის ფინანსური ანგარიშგების ქართული ტერმინოლოგიის განხილვისა და დამკვიდრების კუთხით. ფინანსთა სამინისტროს შეკვეთით ბაფში თარგმნილი და გადამუშავებულია აუდიტის საერთაშორისო სტანდარტების და ფინანსური ანგარიშგების სტანდარტების საკმაოდ დიდი მოცულობის მასალა. ებულებიდან გამომდინარე კომიტეტი ჩართული იყო ბაფის განგრძობითი სწავლების 2017 წლის თემატიკით გათვალისწინებული სემინარების პროგრამის მომზადებისა და ლექციების ჩატარების პროცესში.

სარევიზიო კომისიის მიერ შესწავლილი იქნა სტანდარტების კომიტეტის დებულება, სამოქმედო გეგმა და შესამოწმებელ პერიოდში განხორციელებული საქმიანობები. რის საფუძველზეც კომიტეტის საქმიანობა დადებითად შეფასდა. რეკომენდირებულია კომიტეტის საქმიანობის საოქმო ჩანაწერების არქივირება.

საგადასახადო დაბეგვრის კომიტეტი. საგადასახადო კომიტეტის დებულებით, მისი ფუნქციაა: ბაფის წევრების საკონსულტაციო მომსახურეობა საგადასახადო დაბეგვრის, ბუღალტრული აღრიცხვისა და აუდიტის საკითხებზე; ბაფში წერილობით შემოსულ კითხვებზე კონსულტანტის მიერ მომზადებული პასუხების პროექტის განხილვა და საბოლოო პასუხების მომზადება მისი ჟურნალში გამოქვეყნებამდე (ან კითხვის ავტორთან გაგზავნამდე); საგადასახადო კოდექსთან დაკავშირებით გამართულ დისკუსიებში მონაწილეობა სამთავრობო და საკანონმდებლო სტრუქტურებთან, ბაფის სახელით.

კომისიამ ინფორმაციები მიიღო კომიტეტის წევრებისაგან, რომლებმაც აღნიშნეს, რომ ბაფ-ში მუდმივად მუშაობს ორი კონსულტანტი რომლებიც პასუხობს შემოსულ შეკითხვებს, წერილობითი შეკითხვების პასუხებს იხილავს კომიტეტი და შესაბამისად ხდება მისი გაგზავნა ადრესატზე ან/და გამოქვეყნდება ბაფ-ის ყოველთვიურ ჟურნალში „ბუღალტრული აღრიცხვა“. კომიტეტის წარმომადგენელი (უმეტესწილად თავმჯდომარე) სისტემატიურად და აქტიურად მონაწილეობს სამთავრობო და საკანონმდებლო სტრუქტურებთან გამართულ დისკუსიებში.

კომიტეტის მუშაობის სპეციფიკიდან გამომდინარე (რადგანაც სამუშაო სისტემატიურად ყოველდღიურად მიმდინარეობს) დამკვიდრებული პრაქტიკით საოქმო ჩანაწერები არ იწარმოება.

გამოქვეყნებული და არსებული მასალების საფუძველზე სარევიზიო კომისიის მიერ კომიტეტის საქმიანობა დადებითად შეფასდა.

ეთიკისა და დისციპლინარული კომიტეტი ახალი ჩამოყალიბებულია. კომიტეტის სახელმძღვანელო დებულებაა “ბაფის წევრების მიერ პროფესიონალი ბუღალტრების მიერ ეთიკის კოდექსისა და ხარისხის კონტროლის სისტემის მიმართ დადგენილი მოთხოვნების დარღვევის გამოვლენისა და დისციპლინარული პასუხისმგებლობის დაკისრების წესი”; აღნიშნული წესის ფარგლებში კომიტეტის

შეისწავლის პროფესიონალი ბუღალტრებს მიერ ეთიკის კოდექსისა და ხარისხის კონტროლის მიმართ დადგენილი მოთხოვნების დარღვევის გამოვლენის ფაქტებს; გამოვლენილ დარღვევებზე ახორციელებს დისციპლინარური პასუხისმგებლობის დაკისრებას.

საანგარიშგებო პერიოდში კომიტეტში არ შემოსულა ინფორმაცია და შესაბამისად არც განხილულა მსგავსი დარღვევების ფაქტები.

სარევიზიო კომისიის მიერ კომიტეტის საქმიანობა დადებითად შეფასდა.

2. აღმასრულებელი სტრუქტურის საქმიანობის და შიდა კონტროლის სისტემის შეფასება

აღმასრულებელი სტრუქტურის საქმიანობა დარეგულირებულია შიდა ნორმატიული დოკუმენტებით, კერძოდ, გაწერილი და დამტკიცებულია "მენეჯერული პროცედურები"; თანამშრომელთა საქმიანობა რეგულირდება აღმასრულებელი დირექტორის მიერ დამტკიცებული ბრძანებით "ბაფის თანამშრომელთა ფუნქციების შესახებ". დოკუმენტში დეტალურად არის გაწერილი თითოეული თანამშრომლის უფლება-მოვალეობები, ორგანიზაციის ადმინისტრაციის წევრების ვალდებულებები მკაფიოდ არის ჩამოყალიბებული და გამიჯვული. თანამშრომელთა ვალდებულებების შესრულება კონტროლდება ოფისის მენეჯერისა და აღმასრულებელი დირექტორის მიერ.

თანამშრომლებთან გაფორმებული შრომითი ხელშეკრულებები შესაბამისობაშია საქართველოს შრომის კოდექსთან.

გამგეობის მიერ დამტკიცებულია ბაფის 2018 წლის ბიუჯეტი, გრძელვადიანი სამოქმედო გეგმა და შიდაგანაწესი.

ფედერაციაში შესყიდვის ოპერაციებისა და აქტივების დაცვაზე პასუხისმგებელია ოფისის მენეჯერი. წევრებისა და ბაფის საქმიანობით დაინტერესებული პირებისათვის ინფორმაციის მიწოდება უზრუნველყოფილია ბაფის ვებგვერდისა და ყოველთვიური ჟურნალის მეშვეობით, სადაც ქვეყნდება ბაფის ნორმატიული აქტები, ბიუჯეტი და ფინანსური ანგარიშგება.

დასკვნის სახით, სარევიზიო კომისიას მიაჩნია, რომ აღმასრულებელი სტრუქტურის მიერ ორგანიზაციის მართვის სფერო და შიდა კონტროლის სისტემა გამართულია და დადებითად აფასებს.

3. ეკონომიკური და ფინანსური საქმიანობა

ბაფი ყოველწლიურად ადგენს და გამგეობა ამტკიცებს მომავალი პერიოდის ბიუჯეტს, რომელსაც შემდგომ იყენებს სახელმძღვანელოდ თავის საქმიანობაში.

ბაფის სარევიზიო კომისიის ანგარიში 2018 წელი

ჩვენ გავეცანით 2017 წლისათვის დამტკიცებულ ბიუჯეტს და გავაკეთეთ დაგეგმილი შემოსავლებისა და ხარჯების მუხლობრივი შედარება ბაფის 2017 წლის წლიური ფინანსური ანგარიშგებით ფაქტიურად მიღებულ შემოსავლებისა და ხარჯების შესაბამის მუხლებთან. მიღებული შემოსავლები და გაწეული ხარჯები, შესაბამისობაშია დაგეგმილ ბიუჯეტთან.

შემოწმების შედეგების შეფასება

წარმოდგენილი ანგარიშის მომზადების პერიოდში, კომისია მოქმედებდა სარევიზიო კომისიის დებულების შესაბამისად. საანგარიშგებო პერიოდში ბაფის გაწეული საქმიანობა სარევიზიო კომისიის მიერ შეფასდა დადებითად.

სარევიზიო კომისიის წევრები:

1. მარეხი ტოგონიძე (თავმჯდომარე)
2. ხათუნა ბარბაქაძე
3. გიორგი ნიქაბაძე

